

**UPRAVA POLICIJE, Ministarstvo unutrašnjih poslova Kantona Sarajevo, ulica La Benevolencija broj 16, koga zastupa policijski komesar, Generalni inspektor policije Nusret Selimović, (u daljem tekstu Ugovorni organ)**

**i**

**Ugostiteljska radnja – čevabdžinica i slastičarnica Zmaj, Put života bb, Sarajevo, ID broj: 4302887180009, koju zastupa vlasnik Safet Aljović (u daljem tekstu: Dobavljač),**

**zaključili su:**

**UGOVOR O PRUŽANJU USLUGA DOSTAVLJANJA PRIPREMLJENIH OBROKA ZA LICA ZADRŽANA U ODSJEKU ZA ZADRŽAVANJE LICA LIŠENIH SLOBODE**

**Član 1.**

Predmet ugovora je pružanje usluga dostavljanja pripremljenih obroka za lica zadržana u Odsjeku za zadržavanje lica lišenih slobode, u objekat Ministarstva unutrašnjih poslova Kantona Sarajevo, ul. Zmaja od Bosne br. 15. Nabavka je izvršena putem poziva za nabavku restoranskih usluga, na osnovu odluke broj 02-11-4-497/23 od 30.01.2023. godine, a u skladu sa Pravilnikom o postupku dodjele ugovora za nabavku usluga iz Aneksa II Zakona o javnim nabavkama ("Službeni glasnik BiH", broj 2/23), ponudom Dobavljača i stvarnim potrebama Ugovornog organa.

Ponuda Dobavljača - cjenovnik je sastavni dio ovog ugovora.

**Član 2.**

Ukupan iznos za ugovorene usluge iz člana 1. ovog ugovora ne može preći iznos od 15.000,00 KM (petnaest hiljada i 00/100) bez uključenog PDV-a.

Dobavljač se obavezuje da se cijene iz Ponude neće mijenjati do isteka ovog ugovora.

**Član 3.**

Ugovorne strane su saglasne da kvalitet dostavljenih obroka mora u svemu da odgovara standardima i propisima koji regulišu kvalitet tih vrsta proizvoda.

**Član 4.**

Dobavljač se obavezuje da će usluge pružati svaki dan (uključujući vikend i dane praznika) u predviđenom vremenu za:

- doručak od 07.30 – 08.30 sati
- ručak od 13.30 – 14.30. sati
- večera od 19.00 – 20.00 sati

u skladu sa narudžbama od strane ovlaštenog lica ispred Ugovornog organa, o kojem će Dobavljač biti obaviješten odmah nakon potpisivanja ugovora.

**Član 5.**

Uz isporuke pripremljenih obroka, Dobavljač će dostavljati i otpremnicu u dva primjerka, koju će potpisati ovlašteni predstavnik Dobavljača i ovlašteni predstavnik Ugovornog organa. Jedan primjerak otpremnice zadržava Dobavljač, drugi Ugovorni organ.

Dobavljač je dužan uz fakturu dostavljati mjesečni Izvještaj o isporučenim obrocima. Izvještaj će sadržavati vrstu i količinu isporučenih obroka, a u skladu sa ponudom – cjenovnikom Dobavljača.

Nadležna organizaciona jedinica ugovornog organa - Operativni centar Sektora uniformisane policije će prema potpisanim otpremnicama voditi evidenciju preuzetih narudžbi. Tek kada ovlašteno službeno lice ugovornog organa potvrdi usklađenost Izvještaja o isporučenim obrocima sa evidencijom preuzetih narudžbi i otpremnicama, smatrat će se da je usluga uredno izvršena

**Član 6.**

Ugovorni organ će ugovorenu cijenu plaćati u roku od 30 (trideset) dana od dana uredno izvršene usluge i dostavljanja mjesečnih faktura na tekući račun Dobavljača.

**Član 7.**

Dobavljač se obavezuje da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge. Ugovorni organ je dužan dostaviti pismeno obavještenje o svakom propustu Dobavljača. Ugovorni organ će utvrditi razuman rok za ispravku propusta Dobavljača u smislu izvršavanja predmetnih usluga.

**Član 8.**

Ugovorne strane su saglasne da sva eventualno sporna pitanja rješavaju dogovorom, štiteći obostrane interese. U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

**Član 9.**

Na sve što nije regulisano odredbama ovog ugovora, primjenjivat će se odredbe Zakona o obligacionim odnosima koje se odnose na ugovor o pružanju usluga.

**Član 10.**

Ovaj ugovor je zaključen, kada isti potpišu obje ugovorne strane i počinje se primjenjivati od dana obostranog potpisivanja. Ugovorne strane su saglasne da se ovaj ugovor zaključi na određeno vrijeme, sa pravnim dejstvom do 31.12.2024. godine, a najduže do utroška ugovorenih sredstava.

**Član 11.**

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

**DOBAVLJAČ**  
Ugostiteljska radnja – Čevabdžinica  
i Slastičarnica Zmaj  
Sarajevo

\_\_\_\_\_  
vlasnik Safet Aljović

**UGOVORNI ORGAN**  
MUP KANTONA SARAJEVO  
UPRAVA POLICIJE

\_\_\_\_\_  
POLICIJSKI KOMESAR  
Generalni inspektor policije  
Nusret Selimović

Broj : LB  
Datum: 06.03.2023. godine

Broj: 02-11-4-497-3/23  
Datum: 06.03.2023. godine